



გორის მუნიციპალიტეტის

საკრებულოს

განკარგულება № 19

2025 წლის 14 თებერვალი

ქ.გორი

გორის მუნიციპალიტეტის მერიის ეკონომიკური სამსახურის ტრანსპორტისა და გარე რეკლამების რეგულირების განყოფილების 2024 წელს შესრულებული სამუშაოების ანგარიშის შეფასების შესახებ

გორის მუნიციპალიტეტის საკრებულო, მის მიერ მიღებულ გადაწყვეტილებათა შესრულებაზე, მერიის საქმიანობაზე, თვითმმართველი ერთეულის ქონების მართვასა და თვითმმართველი ერთეულის ბიუჯეტის შესრულებაზე ახორციელებს კონტროლს. აღნიშნული კონტროლის განხორციელების ერთ-ერთ ფორმას წარმოადგენს ანგარიშის მოსმენა, რომელიც გაწერილია საკრებულოს სამუშაო გეგმებში. საკრებულოს სამუშაო გეგმის შესაბამისად საჭიროა მოსმენილ იქნას და შეფასდეს გორის მუნიციპალიტეტის მერიის ეკონომიკური სამსახურის ტრანსპორტისა და გარე რეკლამების რეგულირების განყოფილების 2024 წელს შესრულებული სამუშაოების ანგარიში.

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის 1-ლი პუნქტის „გ.“ ქვეპუნქტის და 61-ე მუხლის 1-ლი და მე-2 პუნქტების შესაბამისად:

1. დადებითად შეფასდეს გორის მუნიციპალიტეტის მერიის ეკონომიკური სამსახურის ტრანსპორტისა და გარე რეკლამების რეგულირების განყოფილების 2024 წელს შესრულებული სამუშაოების ანგარიში (დანართი 2 ფურცელი-თან ერთვის).
2. განკარგულება ძალაში შევიდეს ხელმოწერისთანავე.
3. განკარგულების გასაჩივრება შესაძლებელია დაინტერესებული პირის მიერ მისი გაცნობის დღიდან ერთი თვის განმავლობაში სარჩელის წარდგენის გზით გორის რაიონულ სასამართლოში (მისამართი ქ. გორი, სერგო ჯორბენაძის ქ. №30).

საკრებულოს თავმჯდომარე



დავით რაზმაძე

ტრანსპორტისა და გარე რეკლამის რეგულირების განყოფილების 2024 წლის სამუშაო ანგარიში

ტრანსპორტისა და გარე რეკლამის რეგულირების განყოფილებაში მუშაობს სამი თანამშრომელი: განყოფილების უფროსი და ორი სპეციალისტი. განყოფილებამ 2024 წელს განყოფილების მიერ შეიმუშავებული ტექნიკური დავალების შესაბამისად ჩაიბარა ქალაქ გორში შუქნიშნების პროექტი. საპროექტო ორგანიზაციასთან შპს საგზაო მოძრაობის სამეცნიერო ცენტრი“ დადებული ხელშეკრულების ღირებულება შეადგინა 21 500 (ოცდა ერთი ათას ხუთასი) ლარი, პროექტის შედგენაში აქტიურ მონაწილეობას იღებდა განყოფილება, ხოლო პროექტით განსაზღვრული სამუშაოების ხარჯთაღრიცხვამ შეადგინა 562580 ლარი, კერძოდ მომზადა შემდეგი ლოკაციების პროექტები :

ა) სტალინის გამზირისა და ჭავჭავაძის გამზირის გადაკვეთაზე არსებული შუქნიშნების დემონტაჟის სამუშაოებისა და ახალი შუქნიშნების პროექტირება/ ხარჯთაღრიცხვა;

ბ) ძმები რომელაშვილების და თამარ მეფის ქუჩების გადაკვეთაზე ახალი შუქნიშნების პროექტირება/ ხარჯთაღრიცხვა;

გ) ჭავჭავაძის გამზირისა და ძმები რომელაშვილების ქუჩის გადაკვეთაზე ახალი შუქნიშნის პროექტირება/ხარჯთაღრიცხვა.

2024 წელსვე გამოცხადა ტენდერი ორ ლოკაციაზე: ძმები რომელაშვილების და თამარ მეფის ქუჩების გადაკვეთაზე და ჭავჭავაძის გამზირისა და ძმები რომელაშვილების ქუჩის გადაკვეთაზე გადაკვეთაზე თანხით 373112 ლარი. რომელიშიც გაიმარჯვა შპს „გზაჯვარედინმა“ და შუქნიშნების სამონტაჟო სამუშაოები დასრულდა 2024 წლის ბოლოს, რომელსაც ზედამხედველობა გაუწია განყოფილების თანამშრომლებისგან შემდგარი ინსპექტირების ჯგუფი.

ქალაქ გორში, კერძოდ სტალინის, ჭავჭავაძის, მშვიდობის, შინდისის გმირების, ცხინვალის, ტყვიავის, 26 მაისის სახელობის სანაპიროს, დიმიტრი ამილახვრის, ცაბაძის, კეცხოველისა და გორიჯვრის ქუჩებზე საგზაო მოძრაობის მოწესრიგების და უსაფრთხოების მიზნით 2024 წელს ორჯერ განხორციელდა საგზაო ჰორიზონტალური დახაზვები (მონიშვნები), რომლის პროექტიც მომზადებული იყო განყოფილების მიერ და ასევე განხორციელა ზედამხედველობა ზემო აღნიშნულ სამუშაოებზე.

განყოფილების მიერ, შინაგან საქმეთა სამინისტროს საპატრულო და კრიმინალური პოლიციის დეპარტამენტების შიდა ქართლის სამმართველოებთან ერთად შესწავლილი და მომზადებული იქნა საგზაო ნიშნების განთავსების საკითხი გორის მუნიციპალიტეტის ადმინისტრაციულ საზღვრებში, რომლის შედეგადაც გორის მუნიციპალიტეტის საკრებულომ წლის განმავლობაში გამოსცა 20-მდე განკარგულება და გორის მუნიციპალიტეტში დამატებით მოეწყო 32-მდე საგზაო ნიშანი და აბრა.

განყოფილების მიერ შესწავლილი იქნა გორის მუნიციპალიტეტის ადმინისტრაციულ საზღვრებში მდებარე საერთაშორისო და შიდასახელმწიფო მნიშვნელობის გზებზე საგზაო მოძრაობის უსაფრთხოების საკითხები და აქედან გამომდინარე გორის მუნიციპალიტეტის მერიამ წლის განმავლობაში რამდენჯერმე მიმართა თხოვნით საქართველოს

საავტომობილო გზების დეპარტამენტს, რის შედეგადაც დეპარტამენტმა გორის მუნიციპალიტეტის დასახლებებში, ათეულობით ლოკაციაზე დაამონტაჟა ან აღადგინა ავტომობილის სიჩქარის შემანელებელი ხელოვნური უსწორმასწორობები, საგზაო ნიშნები და აბრები.

ტრანსპორტისა და გარე რეკლამის განყოფილებამ, ა(ა)იპ „გორის მუნიციპალიტეტის ტრანსპორტის სააგენტოსთან“ ერთად, შეიმუშავა მუნიციპალურ მარშრუტებზე ცვლილებები, სატესტო რეჟიმში მიმდინარეობდა რიგი მარშრუტებისა და საზოგადოებრივი ტრანსპორტის გაჩერებების დადგენა, დღეის მდგომარეობით დადგენილია მუნიციპალური ტრანსპორტისათვის 17 მარშრუტი და 203 საზოგადოებრივი ტრანსპორტის გაჩერება, რომელიც საკრებულომ დაანტკიცა და 2024 წელში დაამონტაჟდა და დაიხაზა საზოგადოებრივი გაჩერებების საგზაო ნიშნები და საგზაო ჰორიზონტალური მონიშვნები. განყოფილება აგრეთვე მონაწილეობას იღებს მუნიციპალური ტრანსპორტის მუშაობის გრაფიკების, სვლა-გეზების და ხარჯთაღრიცხვის შედგენაში და მონიტორინგს უწევს ა(ა)იპ „გორის მუნიციპალიტეტის ტრანსპორტის სააგენტოს“.

განყოფილება 2024 წლის განმავლობაში და ამჟამადაც ინსპექტირებას უწევს გორის მუნიციპალიტეტის მერიასა და შპს „დელტა კონსალტინგს“- შორის გაფორმებულ ხელშეკრულებას, რომლის საგანია 37 ავტომობილის სახელმწიფო ნომრის ამომცნობი ვიდეო და 123 ზოგადი ხედვის, 11 მართვადი კამერების მოვლა პატრონობა.

განყოფილება ასევე კურირებს ა(ა)იპ „გორის მუნიციპალიტეტის კეთილმოწყობის სააგენტოს“ პარკირების განყოფილებას.

განყოფილებაში 2024 წელს შემოსულია 455 წერილი და კორესპოდენცია, რომელზეც დროულად განხორციელდა რეაგირება.